

Канон Преображению Господню

Празднуем 6 (19) августа

Глас 4-й

Песнь 1

Ирмос: Лицы израильтестии невлажными стопами, понт Чермный и влажную глубину прогнавши, всадники тристаты враги видяще в ней погружены, с веселием пояху: поим Богу нашему, яко прославися.

Припев: Слава, Господи, святому Преображению Твоему.

Глаголы животныя другом Христос, и о Божественном наказуя Царствию, рече: во мне Отца познайте, светом яко облистая неприступным, в радости поюще: поим Богу нашему, яко прославися (*Дважды*).

Слава: Силою язык облечетеся, друзи ученицы, чудни же будете в богатстве их, яко славы наполнитесь: яко явлюся светлее солнца, облистая в радости поющих: поим Богу нашему, яко прославися.

И ныне: Днесь Христос на горе Фаворстей, просияв ясно Божественною зарею, якоже обещася, учеником обнажи зрак; светоносныя же наполнившеся Божественныя зары, в радости пояху: поим Богу нашему, яко прославися.

Песнь 3

Ирмос: Лук сильных изнеможе, и немощствующии препоясашася силою: сего ради утвердися в Господе сердце мое.

Слава, Господи, святому Преображению Твоему.

Во всего Адама облекся Христэ, очерневшее изменив просветил еси древле естество, и изменением зрака Твоего богосоделал еси (*Дважды*).

Слава: Столпом огнезрачным, и облаком древле, Иже в пустыне Израиля ведый, днесь на горе Фаворстей неизреченно во свете Христос просия.

И ныне: Столпом огнезрачным... (*Повторить предыдущий тропарь*).

Господи, помилуй. (*Трижды*) Слава и ныне.

Седален, глас 4-й

На горѣ Фаворстей преобразился еси Иисусе, посреде Илии и Моисеа премудрых, со Иаковом, и Петром, и Иоанном. Петр же сопребывая, сия Тебе глаголаше: добро zde есть сотворити три сени, едину Моисею, и едину Илию и едину Тебе, Владыце Христу. Иже тогда свет Твой сим возсиявый, просвети души наша.

Песнь 4

Ирмос: Услышах славное смотрение Твое, Христе Боже, яко родился еси от Девы, да от лести избавиши зовущия: слава силе Твоей, Господи.

Слава, Господи, святому Преображению Твоему.

Закон в Синаи писанием воображая, Христе Боже, во облаце, и огни, и мраце, и в вихре явился еси носимь: слава силе Твоей, Господи.

Слава, Господи, святому Преображению Твоему.

Да увериши славное строение Твое, Христе Боже, яко Сый прежде век, и Тойже на облаце восхождение положивый, на Фаворе неизреченно просиял еси.

Слава: Соглагоюще предстояху раболепно Тебе, Владыце Христу, к нимже парюю огня и мрака, и тонким хладом беседовал еси. Слава силе Твоей, Господи.

И ныне: Возвещаху славное Креста ради Твоего, на Фавор пришедше, иже во огни Тя и купинѣ древле предвидевый Моисей, и взятый на колеснице огненной Илия, Христе.

Песнь 5

Ирмос: От Света пресекий первородный свет, яко во свете дела поют Тя, Христе, Содетеля, во свете Твоем пути наша направи.

Слава, Господи, святому Преображению Твоему.

Пред лицем Твоим горы уклонишася; свет бо и пред ногами, неботечныя лучи, Христе, Солнца прииде, зрак

зѣмлен яко пріяти благоволи́л еси́.

Сла́ва, Го́споди, свято́му Преображе́нию Твоему́.

Се Спас, вопія́ху Моисе́й и Илиа́, ученико́м на горѣ святе́й Фаво́рстей оглаша́емым, Христос, Егóже дрѣвле провозвесті́хом Сущаго Бо́га.

Слава: Неизмѣнное естество́, человѣческому примѣшся, обильно невещественнаго Божества́ свет, изобнажив апóстолом, неизречѣнно возсия́.

И ныне: Тя, Присносущное Сія́ние, во Отчестей сла́ве, ученицы́ яко видевше возсия́вша, Христѣ́, Тебѣ вопія́ху: во свѣте Твоѣм пути́ на́ша напра́ви.

Песнь 6

Ирмос: Внегда́ скорбѣти ми, возопі́х ко Го́споду, и услы́ша мя Бог спасѣ́ния моего́.

Сла́ва, Го́споди, свято́му Преображе́нию Твоему́.

Сія́ние па́че со́лнца, свет яснѣ́йший, Спас просия́в на Фаво́ре, нас просвети́л естѣ́ (*Дважды*).

Слава: Возше́д на го́ру Фаво́рскую, преобрази́лся еси́ Христѣ́, и лествъ всю омрачи́в, нас просвети́л еси́.

И ныне: Тя Бо́га позна́вше сла́внии апóстолы, на Фаво́ре же, Христѣ́, уди́вльшеся, колѣ́на преклони́ша.

Кондак, глас 7-й

На горѣ преобрази́лся еси́, и якоже вмеща́ху ученицы́ Твои́, сла́ву Твою́, Христѣ́ Бо́же, видеша: да егда́ Тя ўзрят распина́ема, страда́ние ўбо уразуме́ют во́льное, мірови же проповѣ́дят, яко Ты еси́ вои́стинну Отчее Сія́ние.

Икос

Воста́ните, лени́вии, и́же всегда́ ни́зу поникшии в зѣмлю, душі́ моея́ по́мыслы, возмі́теся и возвы́ситесь на высоту́ Божественнаго восхожде́ния. Притеце́м к Петру́ и к Зеведе́евым, и вку́пе с ними́ Фаво́рскую го́ру дости́гнем, да ви́дим с ними́ сла́ву Бо́га на́шего, глас же услы́шим, егóже свѣ́ше слы́шаша, и проповѣ́даша Отчее Сія́ние.

Песнь 7

Ирмос: Авраамстии иногда в Вавилоне отроцы пещный пламень попраша, псньми взывающе: отец наших Бже, благословен еси.

Слава, Господи, святому Преображению Твоему.

Облиставшися светом неприступныя славы, на Фаворстей горé апостоли Христу вопияху: отец наших Бже, благословен еси.

Слава, Господи, святому Преображению Твоему.

Сиянием Божественнаго шума и росодательным облаком, Христé, и зарéю Твоею наслаждаеми апостоли пояху: отец наших Бже, благословен еси.

Слава: В неприступном свете, яко виде Тя Петр, на Фаворстей горé облиставша, Христé, возопи: отец наших Бже, благословен еси.

И ныне: С Начальником жизни Христом сущe, дeти Зеведеевы, яко испусти зрака свет, возгремеша: отец наших Бже, благословен еси.

Песнь 8

Ирмос: В Вавилоне отроцы Божественною распаляеми ревностию, мучителя и пламене прещение мужески попраша, и, посреде огня ввержени, орошаеми пояху: благословите вся дела Господня Господа.

Слава, Господи, святому Преображению Твоему.

Мановением вся носяй, ногами пречистыми на гору взыде Фаворскую Христос, на нейже паче солнечных лучи облиста Лицем, иже закону старейшия и благодати, показа поющия: благословите вся дела Господня Господа.

Слава, Господи, святому Преображению Твоему.

Неприступною славою, на горé явлься неизреченно Фаворстей, недержимый и незаходимый свет, Отчее Сияние, тварь уяснив, человеки обожии поющия: благословите вся дела Господня Господа.

Слава, Господи, святому Преображению Твоему.

Священнолeпно стояще Моисей же и Илиа на горé Фаворе, Божественныя начертание ясно Ипостаси

видевше, Христа, во Отчестей облистáвша сла́ве, воспева́ху: благослови́те вся дела́ Господня́ Го́спода.

Слава: Иже во зра́це Божественнаго ра́ди явлéния, лице́ просла́вился иногда́ Моисéово: Христос же я́ко ризою свéтом и сла́вою одева́ется. Свёта бо самоде́телен Сый, озаря́ет пою́щия: благослови́те вся дела́ Господня́ Го́спода.

И ныне: От светорóдна о́блака, Христа́ ученицы́ объята зря́ще на Фавóре, и ни́цы на зéмлю па́дше, ум просвéщше, со Отце́м Сего́ поя́ху и Ду́хом: благослови́те вся дела́ Господня́ Го́спода.

Песнь 9

Ирмос: Рождество́ Твое́ нетлénно яви́ся: Бог из боку́ Твоею́ пройде, я́ко плотно́сец яви́ся на землі, и с челове́ки поживе́. Тя, Богороди́це, тем вси велича́ем.

Сла́ва, Го́споди, свято́му Преображе́нию Твоему́.

Ужа́сни но́вым светолі́тием внеза́пу ученицы́ освéщшеся, друг дру́га зря́ху, уди́вльшеся же, и к землі прекло́ньшеся, Тебе́, Влады́це всех, поклоні́шася.

Сла́ва, Го́споди, свято́му Преображе́нию Твоему́.

Шум из о́блака посыла́шеся богогласен, известву́я чу́до: Оте́ц бо свето́в, Сей есть Сын Мой Возлю́бленный, апо́столом вопия́ше, Того́ послу́шайте.

Слава: Но́вая видевше и пресла́вная, глас Отéческий внуши́вше, на Фавóре Словесé слуги́, изображе́ние Первообра́знаго, Сей есть, вопия́ху, Спас наш.

И ныне: Образе́ непреме́нный Су́щаго, недви́жимо печáть неизме́нна, Сы́не, Сло́ве, Му́дросте и мы́щце, десни́це, Вы́шняго си́ло, Тя воспева́ем со Отце́м же и Ду́хом.

Светилен

Свёте неизме́нный Сло́ве, Свёта Отца́ нерождéнна, в явлéнием свёте Твое́м, днесь на Фавóре свет видехом Отца́, свет и Ду́ха, свéтом наставля́ющего всю тварь.